



Torah écrite (pentateuque) - Exode

Chapter 28

- 28,1 ואמה הקרב אליך את-אהרן אחיך ואת-בניו אתו, מתוך בני ישראל--לכהנו-לי: אהרן--בנדב ואביהוא אלעזר ואיתמר, בני אהרן.
- 28,2 ועשית בגדי-קדש, לאהרן אחיך, לכבוד, ולתפארת.
- 28,3 ואמה, תדבר אל-כל-חכמי-לב, אשר מלאתי, רוח חכמה; ועשו את-בגדי אהרן, לקדשו--לכהנו-לי.
- 28,4 ואלה הבגדים אשר יעשו, חשן ואפוד ומעיל, וכתנת תשבץ, מצנפת ואבנט; ועשו בגדי-קדש לאהרן אחיך, ולבניו--לכהנו-לי.
- 28,5 והם יקחו את-הזהב, ואת-התכלת ואת-הארגמן, ואת-תולעת השני, ואת-השש. {פ}
- 28,6 ועשו, את-האפד: זהב תכלת וארגמן תולעת שני, ושש משזר--מעשה חשב.
- 28,7 שתי כתפת חברת, יהיה-לו אל-שני קצותיו--והדבר.
- 28,8 וחשב אפדתו אשר עליו, כמעשהו ממנו יהיה: זהב, תכלת וארגמן ותולעת שני--ושש משזר.
- 28,9 ולקחת, את-שתי אבני-שהם; ופתחת עליהם, שמות בני ישראל.
- 28,10 ששה, משמתם, על, האבן האחת; ואת-שמות הששה הנותרים, על-האבן השנית--כתולדתם.
- 28,11 מעשה ברש, אבן--פתוחי חתם תפתח את-שתי האבנים, על-שמת בני ישראל; מסבת משבצות זהב, תעשה אתם.
- 28,12 ושמת את-שתי האבנים, על כתפת האפד, אבני זכרון, לבני ישראל; ונשא אהרן את-שמותם לפני יהוה, על-שתי כתפיו--לזכרון. {ס}
- 28,13 ועשית משבצת, זהב.
- 28,14 ושתי שרשרת זהב טהור, מגבלת תעשה אתם מעשה עבת; ונתתה את-שרשרת העבת, על-המשבצת. {ס}
- 28,15 ועשית חשן משפט, מעשה חשב--כמעשה אפד, תעשנו; זהב תכלת וארגמן ותולעת שני, ושש משזר--תעשה אתו.
- 28,16 רבוע יהיה, כפול; זרת ארכו, וזרת רחבו.
- 28,17 ומלאת בו מלאת אבן, ארבעה טורים אבן: טור, אדם פטדה וברקת--הטור, האחד.
- 28,18 והטור, השני--נפך ספיר, ויהלם.
- 28,19 והטור, השלישי--לשם שבו, ואחלמה.
- 28,20 והטור, הרביעי--תרשיש ושהם, וישפה; משבצים זהב יהיו, במלואתם.
- 28,21 והאבנים תהיו על-שמות בני-ישראל, שתיים עשרה--על-שמתם; פתוחי חותם, איש על-שמו, תהיו, לשני עשר שבט.
- 28,22 ועשית על-החשן שרשת גבלת, מעשה עבת, זהב, טהור.
- 28,23 ועשית, על-החשן, שתי, טבעות זהב; ונתת, את-שתי הטבעות, על-שני קצות החשן.
- 28,24 ונתתה, את-שתי עבתת הזהב, על-שתי, הטבעת--אל-קצות, החשן.
- 28,25 ואת שתי קצות שתי העבתת, תתן על-שתי המשבצות; ונתתה על-כתפות האפד, אל-מול פניו.
- 28,26 ועשית, שתי טבעות זהב, ושמת אתם, על-שני קצות החשן--על-שפתו, אשר אל-עבר האפד ביתה.
- 28,27 ועשית, שתי טבעות זהב, ונתתה אתם על-שתי כתפות האפד מלמטה ממול פניו, לעמת מחברתו--ממעל, לחשב האפוד.
- 28,28 וירכסו את-החשן מטבעתו אל-טבעת האפוד, בפתיל תכלת, להיות, על-חשב האפוד; ולא-ישח החשן, מעל האפוד.
- 28,29 ונשא אהרן את-שמות בני-ישראל בחשן המשפט, על-לבו--בבאו אל-הקדש: לזכרון לפני יהוה, תמיד.
- 28,30 ונתת אל-חשן המשפט, את-האורים ואת-התמים, והיו על-לב אהרן, בבאו לפני יהוה; ונשא אהרן את-משפט בני-ישראל על-לבו, לפני יהוה--תמיד. {ס}



- 28,31 ועשית את-מעיל האפוד, כליל תכלת.
- 28,32 והיה פי-ראשו, בתוכו; שפה יהיה לפיו סביב מעשה ארג, כפי תחרא יהיה-לו--לא יקרע.
- 28,33 ועשית על-שוליו, רמני תכלת וארגמן ותולעת שני--על-שוליו, סביב; ופעמני זהב בתוכם, סביב.
- 28,34 פעמון זהב ורמון, פעמון זהב ורמון, על-שולי המעיל, סביב.
- 28,35 והיה על-אזניו, לשרת; ונשמע קולו בבאו אל-הקדש לפני יהוה, ובצאתו--ולא ימות. {ס}
- 28,36 ועשית ציץ, זהב טהור; ופתחת עליו פתחי חתם, קדש ליהוה.
- 28,37 ושמת אתו על-פתיל תכלת, והיה על-המצנפת; אל-מול פני-המצנפת, יהיה.
- 28,38 והיה, על-מצח אהרן, ונשא אהרן את-עון הקדשים אשר יקדישו בני ישראל, לכל-מתנת קדשיהם; והיה על-מצחו תמיד, לרצון להם לפני יהוה.
- 28,39 ושבעת הכתנת שש, ועשית מצנפת שש; ואבנט מעשה, מעשה רקם.
- 28,40 ולבני אהרן מעשה כתנת, ועשית להם אבגטים; ומגבעות מעשה להם, לכבוד ולתפארת.
- 28,41 והלבשת אתם את-אהרן אחיך, ואת-בניו אתו; ומשחת אתם ומלאת את-ידם, וקדשת אתם--וכהנו לי.
- 28,42 ועשה להם מכנסי-בד, לכסות בשר עכוה; ממתנים ועד-ירכיים, יהיו.
- 28,43 והיו על-אהרן ועל-בניו בבאם אל-אהל מועד, או בגשתם אל-המזבח לשרת בקדש, ולא-ישאו עון, ומתו: חקת עולם לו, ולזרעו אחריו. {ס}